

## Yeshua: e Pan di Dios!!!

Awor Felipe a **buska i haña** Natanaèl i a bis'é: "Nos a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Jesus di Nazarèt**, yu di José." (**Juan 1:45**).

**Yeshua; Jesus di Nazarèt: e Lei di Dios Tata!!!.**

Den e promé luna, riba e di dieskuater dia di e luna, ora ku solo dreña, ta e **Pasku di SEÑOR, e Fiesta di Pésag**. E ora ei riba e di diessinku dia di e mes un luna tin e **Fiesta di Pan Sin Zürdeg na SEÑOR**; shete dia boso mester kome **Pan Sin Zürdeg**. (**Levítiko 23:5-6**).

E ora ei **SEÑOR** a papia ku **Moisés**, bisando: "Papia ku e yunan di **Israel** i bisa nan: 'Ora boso dreña e tera ku **Mi** ta bai duna boso i ta **kosechá su Kosecha**, e ora ei boso mester hiba e bohí di e **Promé Frutanan di boso Kosecha**, pa e saserdote. (**Levítiko 23:9-10**).

'Tambe boso mester konta pa boso mes for di e **dia despues di shabat**, for di e dia ku boso a trese e bohí di e **Ofrenda** di zoyamentu: shete dia kompleto di **shabat**. Konta sinkuenta dia te na e **dia despues di e di shete shabat**, i e ora ei presentá **un Ofrenda di maishi fresku na SEÑOR**. (**Levítiko 23:15-16**).

"Papia ku e yunan di **Israel**, bisando: 'Den e di shete luna, riba e promé dia di e luna, boso mester tene **un sosiegu, un konmemorashon ku tokamentu di Tròmpèt, un konvokashon Santu**. Boso no mag hasi ningun trabou pisá, ma presentá **un Ofrenda di kandela na SEÑOR**.'" (**Levítiko 23:24-25**).

"Riba eksaktamente e di dies dia di e **di shete luna** aki ta e **dia di Ekspiashon**; esaki mester ta **un konvokashon Santu** pa boso, i boso mester **umiyá boso alma** i presentá **un Orenda di kandela na SEÑOR**. Tampoko boso no mag hasi ningun trabou riba e dia aki, pasobra ta **un dia di Ekspiashon**, pa hasi **Ekspiashon pa boso dilanti di SEÑOR boso Dios**. (**Levítiko 23:27-28**).

Atrobe **SEÑOR** a papia ku **Moisés**, bisando: "Papia ku e yunan di **Israel**, bisando: 'E di diessinku dia di e di shete luna aki ta e **Fiesta di Tabernakelnan, shete dia largu na SEÑOR**. (**Levítiko 23:33-34**).

**Ta kon Felipe por bisa:** "Nos a haña **Esun di Kende Moisés** a skirbi den e **Lei i di Kende e Profetanan** tambe a skirbi. Ta **Jesus di Nazarèt**, yu di José."

**Felipe por bisa esaki pasobra:**

**Jesus di Nazarèt ta e Pasku di SEÑOR; e Fiesta di Pésag.**

**Jesus di Nazarèt ta e Pan Sin Zürdeg; e Fiesta di Pan Sin Zürdeg.**

**Jesus di Nazarèt ta e Promé Fruta; e Fiesta di Promé Frutanan.**

**Jesus di Nazarèt ta e Ofrenda Fresku na SEÑOR; e Fiesta di Shete Siman.**

**Jesus di Nazarèt ta e Konmemorashon pa nos; e Fiesta di Tròmpet.**

**Jesus di Nazarèt ta e Ekspiashon pa nos; e Fiesta di Reparashon.**

**Jesus di Nazarèt ta e Tabernakel pa nos; e Fiesta di Tabernakelnan.**

**17 febrüari 2019**

**Sea Bendishoná ku e Amor di Dios Tata; Yeshua Mesias**

**Rev. Remsly L Riley**